



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ

Վեհափառ Հայրապետի բարձր կարգադրությամբ, Երևանի Ս. Սարգիս եկեղեցում, ձեռամբ Վիրահայոց թեմի առաջնորդ Ս. Գեվորգ եպս. Սերադայանի, կատարվեց Միսակ սրկ. Սարիբեկյանի և Սահակ սրկ. Կյուրեղյանի քահանայական ձեռնադրությունը:

Դեկտեմբերի 14-ին Երևանի Ս. Ջորավոր եկեղեցում, երեկոյան ժամերգությունից հետո, կատարվեց «Յերեկոյէ կոչումն քահանայութեան» կարգը, ըստ ձեռնադրության Մաջտոցի՝ խարտավիլակությամբ Ս. Արամ ավագ քին. Բոյաջյանի: Արժանապատիվ տեր հայրը վկայեց նորընծաների հոգեկան ու մտավոր պատրաստվածության մասին՝ արժանի քահանայական ձեռնադրության:

Հաջորդ օրը, դեկտեմբերի 15-ին, Ս. Սարգիս եկեղեցում, հընթացս ս. պատարագի, կատարվեց նորընծաների ձեռնադրությունը:

Պատարագիչ Ս. Գևորգ սրբապանը մեռնով օծեց նորընծաների ճակատն ու ձեռքերը՝ վերակոչելով Միսակ սրկ. Սարիբեկյանին՝ Ս. Մխիթար քահանա, իսկ Սահակ սրկ. Կյուրեղյանին՝ Ս. Միքայել քահանա:

«Ողջոյն»-ի պահին Ս. Գևորգ սրբապանը ողջագուրվեց և շնորհավորեց նորընծաներին. նրան հետևեցին բոլոր «քահանայք և սարկաւաքք»:

Ապա պատարագիչ սրբապանը արտասա-

նեց ոգեշունչ քարոզ՝ վեր հանելով Հայ Առաքելական Եկեղեցու հոգևորականաց դասի նվիրվածությունը իր ժողովրդին ու հայրենիքին, և մաղթեց նորընծաներին՝ պատվով շարունակելու նախնայաց սուրբ ավանդույթները:

Ս. պատարագին ներկա էր Արարատյան թեմի առաջնորդական փոխանորդ գերաշնորհ Ս. Գարեգին եպս. Ներսիսյանը:

Դեկտեմբերի 16-ին նորընծաները, Ս. Գեվորգ եպս. Սերադայանի գլխավորությամբ, առաջնորդվեցին Վեհարան, որտեղ Նորին Սրբությունը գոհունակությամբ և հայրական սիրով ընդունեց նրանց, մաղթեց, որ լինեն իրենց կոչմանը նվիրված և չթերանան ծառայելու Հայ Եկեղեցուն և հայ ժողովրդին:

Նորընծաները իրենց ավանդական-օրինական «քառասունքը» կանցկացնեն Մայր Աթոռի խաղաղ մթնոլորտում:

Տ. ՄԽԻԹԱՐ ՔԱՀԱՆԱ ՍԱՐԻԲԵԿՅԱՆ

Ծնվել է 1960 թ. մայիսի 11-ին, Էջմիածնի շրջանի Ներքին Ձեյվա գյուղում: Ավագանի անունն է Միսակ:

1977 թվականին ավարտել է ծննդավայրի միջնակարգ դպրոցը:

1978 թ. ընդունվել է Ս. Էջմիածնի հոգևոր ձեռնարակ:

1979—1981 թթ. եղել է գինավորական ծառայության մեջ, որից հետո շարունակել է իր ուսումը հոգևոր ճեմարանում:

1984 թ. դեկտեմբերի 25-ին, Ս. Ստեփանոսի տոնի օրը, Մայր Աթոռում ձեռնադրվել է սարկավագ՝ ձեռամբ Ս. Հուսիկ արքեպ. Սանթրոյանի:

1985 թ. Ս. Մխիթար քահանան, ավարտելով հոգևոր ճեմարանի լրիվ դասընթացը, ծառայության է անցել Խորվիրապի վանքում:

Տ. ՄԻՔԱՅԵԼ ՔԱՀԱՆԱ ԿՅՈՒՐԵՂՅԱՆ

Ծնվել է 1940 թ. ապրիլի 18-ին, Կիպրոսի մայրաքաղաք Նիկոսիայում: Ավագանի անունն է Սահակ:

Նախակրթարանն ավարտելուց հետո, Ս. Միքայել քահանան ուսումնական երկու տարեջրան սովորել է Կիլիկիայի Կաթողիկոսության Անթիլիասի դպրեվանքում:

Այնուհետև ընդունվել է ավարտել է Կիպրոսի Մելքոնյան կրթական հաստատության մանկավարժական բաժինը, որից հետո աշխատանքի է անցել նույն տեղում որպես ուսուցիչ:

1962 թ. հայրենադարձվել է Մայր Հայաստան և բնակություն հաստատել Լենինական քաղաքում:

Ս. Միքայել քահանան հեռակա կարգով ավարտել է Երևանի Վ. Բրյուսովի անվան ռուսաց և օտար լեզուների ինստիտուտի անգլերեն լեզվի բաժինը:

Ս Միքայել քահանան երկար տարիներ անգլերեն լեզվի ուսուցիչ է եղել Լենինականի դպրոցներում:

1984 թվականից մասնակցել է Մայր Աթոռ Ս. Էջմիածնի հոգևոր ճեմարանի դասընթացներին, որպես ապատ ունկնդիր:

1985 թ. դեկտեմբերի 8-ին Մայր Աթոռ լուսարարապետ Ս. Հուսիկ արքեպ. Սանթրոյանի կողմից ստացել է սարկավագական աստիճան:

«Էջմիածին» ամսագրի խմբագրությունը այս ուրախ առիթով ջնդրհավորում է նորընծաներին, ցանկանում նրանց հաջողություն՝ իրենց պաշտոնի ու ծառայության մեջ՝ ի պայծառություն Մայր Աթոռի և մեր Եկեղեցու, ի մխիթարություն հայ հավատացյալ ժողովրդի:

